



# Die Rietstok

Die 13<sup>e</sup> Nuusbrief van SAWA Rietvallei

September 2009

## *Af die Voorsitter se pen*

Hallo al die Rietvalleiers!

**N**ou ja, waar begin ons? Die AJV is verby en nou lê daar vir die bestuur weer 'n jaar voor om te werk aan 'n pragtige toekoms vir Rietvallei. Ons verwelkom Rudie in die bestuur en hoop dat sy kreatiwiteit en dryfkrag, nie net vir die bestuur nie, maar vir al die Rietvalleiers tot voordeel sal wees. Nuwe bloed kan net voordelig wees. Dankie vir die vertroue wat julle in ons as bestuur stel, ons sal voortgaan om ons streek tot die beste van ons vermoë te lei.

Tydens die laaste kamp by Bush Baby, het ons nog gebid vir Daan dat hy volkome sal herstel en het ons gehoop vir 'n wonderwerk. Intussen het almal al gehoor dat Daan die 19de Augustus oorlede is. Linda, ons weet dat dit nou vir jou en die kinders 'n moeilike tyd is, maar ons bid dat ons Hemelse Vader julle deur die hartseer tyd sal dra en dat Hy Sy liefde oor julle sal uitstort.

Na Daan se afsterwe, het ek en Anet besef dat Rietvallei al 'n paar lede, sedert die streek se bestaan, deur die dood verloor het. Corrie van Eeden, Ds Eric Harrington, Kiwi Henning, Kenny Mulder en Daan van Vuuren. Ons mag hulle nie vergeet nie, want elkeen van die lede het hulle eie besonderse bydrae in die streek gemaak en het ons net aangename herinneringe van hulle.

Daar is nog net drie kampe voor die einde van die jaar. Die Gebiedskamp by Weesgerus tydens September, streekkamp by Mutango in Oktober en die jaarafsluiting by Drie Berge in November. Ja, die jaar het voorwaar verby gevlieg!

Daar is nie 'n streekkamp geskeduleer vir September nie, aangesien ons graag soveel as moontlik Rietvalleiers by die Gebiedskamp wil sien. Die Gebiedskamp is van 18 tot 20 September by Weesgerus en dit beloof om 'n lekker saamtrek van al die streke van Gebied Jakaranda te wees.

Oktober, die mooiste mooiste maand, gaan ons by 'n nuwe kamp nl Mutango, kamp. Dit is ook 'n tipe bosveldkamp soos Tambotie Vreugde en Bush Baby. Mutango is onlangs ge-open en "spik-splinternuut", so ons gaan heerlik kamp.

Dan gaan ons die jaar afsluit by Drie Berge en ek nooi elke Rietvalleier om die kamp by te woon. Dit gaan 'n spesiale afsluiting wees vir oud en jonk, groot en klein. Ons sien uit om julle daar te sien.

Rietvallei groete

*Klaus*

## Rietvallei Bestuur 09/10

### Voorsitter

Klaus Lübbert  
Postbus 904, Silverton, 0127  
083-6883636  
[kluubb@lantic.net](mailto:kluubb@lantic.net)

### Ondervoorsitter

Tjaart Klaasen  
082-7856895  
[tjaartk@absa.co.za](mailto:tjaartk@absa.co.za)

### Penningmeester

Lizette Schulte  
084 585 2088  
[lizetts@absa.co.za](mailto:lizetts@absa.co.za)

### Sekretaresse

Trix van den Berg  
082-9273267  
[bvdberg@plotnet.net](mailto:bvdberg@plotnet.net)

### Redaksie

Elsabé Grobler  
083 799 1645  
[groblerje@absamail.co.za](mailto:groblerje@absamail.co.za)

### Addisionele lede

Reinier van den Berg  
082 773-8922  
[reinier.vandenberg@webafrika.org.za](mailto:reinier.vandenberg@webafrika.org.za)

Rudie Crous  
072 530 7150  
[rudie@activemusicdistribution.com](mailto:rudie@activemusicdistribution.com)

### Seniorburger Verteenwoordiger

Fritz Crous  
082 929 9945  
[elize@lexmail.co.za](mailto:elize@lexmail.co.za)

Website:

[www.sawa.org.za](http://www.sawa.org.za)

### Inhoudsopgawe

- Uit die Voorsitter se pen
- Pitkos
- Kampnuus
  - Dube – 17 tot 19 Julie
  - Bush Baby – 7 tot 10 Augustus
- Rietvallei se Trots – Ons Kleinspan
- Lief en Leed
- Toekennings
- Seniorburger Hoekie
- Nuus vanaf Rietvallei Bestuur
- Knuppel Dik
- Lekker Lag
- 2009 Kampprogram
- 2010 Kampprogram
- Kalender – belangrike datums vir September & Oktober 2009

### Red

Die lente is hier!!! Uiteindelik!!!

Die natuur kondig die nuwe seisoen aan met voëltjies wat vrolik in ons tuin sing; nuwe bloeisels aan die bome; die son wat vroeër opkom en later ondergaan, manlief wat weer begin draf.....

Alles word met nuwe entoesiasme aangepak. Kom ons maak ten volle gebruik van hierdie nuwe seisoen deurdat ons 'n deel van onself aan ander gee met die volgende stukkie van Kathleen Keating:

*"Entoesiasme is die energie van die liefde. Pak alles aan met 'n glimlag op jou gesig en 'n lied in jou hart. Die warmte wat jy só uitstraal, sal ook ander mense om jou inspireer om die liefde te lêer."*

## *As jy nooit.....:*

As jy nooit pyn ervaar het nie, hoe sou jy geweet het dat Ek 'n Geneser is?

As jy nooit probleme gehad het nie, hoe kan jy jouself 'n oorwinnaar noem?

As jy nooit hartseer gevoel het nie, hoe sou jy geweet het dat Ek 'n Verstrooster is?

As jy nooit 'n fout gemaak het nie, hoe sou jy geweet het dat Ek 'n Vergewer is?

As jy alles geweet het, hoe sou jy geweet het dat Ek jou vrae sal antwoord?

As jy nooit in die moeilikheid was nie, hoe sou jy geweet het dat Ek tot jou redding sal kom?

As jy nooit gebroke was nie, hoe sou jy geweet het dat Ek jou heel kan maak?

As jy nooit 'n probleem gehad het, hoe sou jy geweet het dat Ek dit kan oplos?

As jy nooit lyding gehad het, hoe sou jy ooit geweet het wat Ek deurgegaan het?

As jy nooit deur vuur gegaan het, hoe sou jy suiwer geword het?

As Ek jou alles gegee het, hoe sou jy dit waardeer het?

As Ek jou nooit gekorrigeer het, hoe sou jy geweet het dat Ek jou liefhet?

As jy alle mag gehad het, hoe sou jy geleer het om op My te vertrou?

As jou lewe perfek was, waarvoor sou jy My dan nodig hê?

Liefde



## Dube

(Tjaart en Marietjie Klaasen)

**V**an ons Seniors het alreeds gedurende die week, ja so vroeg as Maandag, begin naweek hou en die koue getrotseer. Vrydag het die kamp vroegmiddag al begin vol word met die laaste (maar nie die minste, Hennie en Annemarie Engelbrecht) en 'n 15de gesin wat bykans donker gearriveer het. Daar was maar skepties nadergestaan na die aandete-tafel, wat *Bean Mini Bunny Chow* genoem was, en ja dit is 'n kerrie dis! Maar kan jul glo, heelwat het "seconds" kom haal, terwyl ander maar eerder "seconds" van die sjerrie kom haal het. Eg aan die Rietvalleiers het die koue nie die gekuier gestop nie en lede het tot laatnag gekuier.

Saterdagoggend is lui-lekker begin met die reuke van koffie. Die gesamentlike worsbraai, pap en boontjieskerriesous as ontbyt het natuurlik vir sy eie reuke gesorg en gou was ander kampeerders ook lus vir hierdie kombinasie!



Die worsbraai-geselligheid is afgerond met die viering van Oom Willem Momberg se 81ste verjaarsdag. Wat 'n voorbeeld vir ander is die egpaar nie, volwaardige Sawanante.

*Nie so baie pap nie Pa, al verjaar jy! (links)*

Die dag is verder rustig spandeer met sommiges wat rugby gaan kyk het, ander het gaan stap, geswem in die warm swembad, en of vure aangestEEK. Na die boekevat het die Rietvalleiers om hul vure saamgedrom om hul vleise en bykosse gaar te kry, ondanks die kwaai koue wat kop uitgesteek het.

Sondagoggend het Willem en Marnette deurgery om vir ons weereens 'n treffende boodskap te lewer. Baie dankie Marnette, hierdie was jou eerste Rietvallei preek as volwaardige dominee – baie geluk weereens met jou onlangse bevestiging.



*'n Spesiale Aansporingsplaatjie is oorhandig aan Wim en Margriet van den Berg (200 Streek), baie geluk julle twee.*

Die Koekverkoping het goeie aftrek gekry en was soetland 'n wenner – dit het bykans R400 vir die streekskas ge-in. Baie dankie aan die wat koeke en terte geskenk het.

Ondanks die koue was ons Kampbywoning vir hierdie winterskamp as volg:

- Rietvalleiers 13 gesinne
- Gaste 2 gesinne
- Kinders 8.



## Bush Baby – Rietvallei AJV 2009



**D**is 7 Augustus 2009, met ander woorde **LANGNAWEEK** en **AJV** vir Streek Rietvallei. Ons besoek vir die eerste keer Bush Baby in Warmbad (Bela Bela), wat 'n lekker Boskamp en in die veld – net jammer die naaste pad en spoor wou ook nie tot ruste kom nie!

Dit was goed om vir Tannie Ann weer te sien wat weens omstandighede vir 'n tyd lank nie kon kamp nie, maar die naweek het haar "bus" weer sy stoor verlaat!

Vrydagaand is ons bederf met Bobotie, rys en glasie(s) sjerrie terwyl vure soos gewoonlik hoog gebrand het.



Saterdagoggend vroeg is 'n paar gazebos gespan om 'n "saal" te vorm, en so is ons 4de AJV in die veld gehou.

Oom Neels de Klerk open die AJV op gepaste wyse, en met min ernstige sake wat aandag verg, finaliseer Klaus die AJV in 'n goeie tyd.



*AJV in sitting -  
Tjaart  
lees die  
verskoniings  
voor waarna  
Klaus  
verslag lewer.*

Verskeie **erkennings** is aan lede gedoen deur middel van die volgende **toekennings**:

**Streek Ere Hoërgaad** aan Oom Neels en Tannie Rina de Klerk vir hul bydrae tot SAWA toere asook hul ontferming oor die Senior Burgers.





**Streek Meriete** aan Sieg en Annatjie Maritz vir hul bereidwilligheid om altyd hulp te verleen tydens verrigtinge.

**Streek Meriete** aan Anet Lubbert vir haar onbaatsugtige hulpverlening aan die streek asook aan die Voorsitter.



**"Rietvalleier van die jaar"** is ontvang deur Ds. Marnette vir al die toepaslike preke aan ons gelewer.



**100%** bywoning aan Jako en Trix vd Berg, baie geluk!

Die **tafel blomme** is die jaar aan Tannie Rina de Klerk oorhandig as **Moedertjie van Rietvallei.**



### **Streeksbestuur:**

Rudie Crous is as addisionele lid genomineer in die plek van Linda van Vuuren wat uit die streeksbestuur bedank het, verder is die 2009/ 2010 Rietvallei bestuurspan onveranderd en sien soos volg daaruit:

- Klaus Lübbert (Voorsitter)
- Tjaart Klaasen (Ondervoorsitter)
- Trix van den Berg (Sekretaresse)
- Lizette Schulte (Penningmeester)
- Elsabé Grobler (Nuusbriedfredakteur)
- Fritz Crous (Seniorburger verteenwoordiger)
- Reinier van den Berg (Addisionele lid)
- Rudie Crous (Addisionele lid)



Na verloop van die AJV het bestuur heerlike worsbroodjies aan die lede bedien wat groot byval by hul gevind het, 'n lekkerny wat baie gepas was in die opelug, ook 'n

lekker wegbrek van die gewone tradisionele bordjies eetgoed.

Saterdagaand het elkeen sy eie vuur se hitte gesoek terwyl ander weer in die ooplug gesit en kuier het tot laataand.

Sondagoggend het Marnette vir ons 'n treffende preek gelewer terwyl die kinders onder die bome besig gehou was met hul Bybelverhale. 'n Paar afkondigings is gedoen waarna die vroue bederf is met 'n spesiale sjokolade vir vrouedag.



Vure is aangestEEK vir middagete waarna daar heerlik saam gebraai is. Om 14:00 is die net gelig en is 'n poedingtafel onthul, en hét die tafel nie geskrik vir sekere lede se belustigheid nie. Klaus het ons weereens laat besef, jy daag nie 'n Duitser uit nie - hy het sommer die bak uitgelek! (Gelukkig was die kinders nie naby om te leer hoe dit gedoen word nie). Nienteenstaande die gekreun van die tafel is 'n stewige bedrag ge-in vir die kas.



Natuurlik was almal teen donker weer lus vir 'n happie en Rudie en Mia het met die blink plan na vore gekom om bestandele bymekaar te maak en so is daar sommer gou-gou vir almal pannekoek gebak.

Die kinders het kelners gespeel en die pannekoek is uitgedeel soos wat dit die suikerbak tref, terwyl ander maar moeg geraak het en 'n uitjie geknip het.



'n Reuse pannekoek is gebak en daar is ook sommer tussendeur speletjies gespeel.

Maandagoggend het almal lui-lekker opgestaan, die oggend boekevat bygewoon, gebraai en stadig maar seker huiswaarts begin keer. Maar natuurlik het ongeveer 5 waens besluit om nie die verkeer aan te durf nie maar oor te slaap en dan eerder Dinsdagoggend terug te keer na die gejaag van die stad! Ai dis lekker om 'n SAWA pensioenaris te wees.

Ondanks die koue was ons kampbywoning vir hierdie AJV winterskamp as volg:

Rietvalleiers	16 woonwaens
Besoekers vanaf ander Streke	3 woonwaens
Kinders	15

*Deur: Tjaart Klaasen*

## Rietvallei se Trots ~ ons Kleinspan



*As niemand my aandag wil gee nie . . . help ek maar solank myself . . . .*

*Die kinders was dit ook eens dat kuier na die AJV onder Oom Jaco se rally baie lekker kan raak.*



*Ons volgende Penningmeester*

*.....  
Onderleiding van pa Jaco?????*

# Lief & Leed

## Lief:



- Baie welkom aan **Roland Marlise van den Berg** wat op 7 Augustus om 3:01am gebore is. Sy het 3,8kg geweeg en 52cm lank (of is dit nou kort?). Baie geluk aan **Reinier & Lucille** – mag julle haar vreeslik baie bederf en sy julle tonne slapelose nagte verskaf.
- **Jaco en Trix van den Berg** het hul tweede dogterjie, **Deidre**, op 12 Julie 2009 gedoop, baie geluk julle.
- Baie dankie aan die bogenoemde **2 vd Bergs-gesinne** vir 'n mooi bydrae tot die groei van Rietvallei se ledetal. Bou so voort!!!!

## Leed:

- **Jaco vd Berg** is op Woensdag 22 Julie tydens 'n motorkaping in die been gewond. Alhoewel Jaco se been nog in gips is gaan dit baie beter. Na vele gebede van dankbaarheid dat ons liewe Vader na Jaco omgesien het is Jaco en Trix besig om stilweg die gebeure te verwerk.
- Dit is met groot skok en hartseer dat ons moes verneem dat 'n geliefde kampmaat na 'n skielike siekbed van ongeveer 2 maande oorlede is. **Daan van Vuuren** is op Woensdag 19 Augustus oorlede. Linda, in hierdie tyd wat jy deur al die skielike onwerklikhede moet werk, is jy in ons gebede.

**As jy Moeg en Moedeloos voel,  
is hierdie die enigste raad vir jou....**



## Toekennings

Bywoningsplaatjies is deur die volgende lede ontvang:

Wie	Streek	Algemeen
Wayne & Annemarie Botha	10	
Wim & Margriet vd Berg	200	

## Seniorburger Hoekie

**D**ie seniorburgers onderleiding van oom Neels & tannie Rina de Klerk het op Sondag 16 Augustus op hul jaarlike Weskus en Blommetoer vertrek. Die groep bestaan uit ongeveer 15 waens waarvan 3 Rietvalleiers is. Ons werkersklas sien uit na jul terugkoms sodat ons onsself kan vergewis wat alles tydens aflatrede gebeur.

## Nuus vanaf Rietvallei Bestuur

- **BEDANKING:** Oom Fred en Tannie Lena le Roux het hul woonwa verkoop en deurdat hulle dit nie gaan vervang nie, hul uittrede aangedui.
- **RIETVALLEI NOORDELIKE PRESIDENTE TOER 2010:** Fritz Crous en Lizette Schulte kan gekontak word vir meer inligting.
- **JAKARANDA GEBIEDSKAMP:** Die gebiedskamp vind plaas te Weesgerus gedurende die naweek van 18 - 20 September 2009.
- **RIETVALLEI LEDETAL:** Sawa Rietvallei se huidige ledetal staan op 45 lede.



**"Mense wat nooit foute begaan nie moet verseker moeg raak van niks doen"**

# Knuppel Dik

## Vinnige Kaasskons

### **Jy het nodig:**

2k Bruismeel	2 Eiers
125ml Olie	250ml Melk
500ml Kaas gerasper	Knippie Sout / Aromat
Knippie Paprika	

### **Dan maak jy so:**

Klits eiers sodat geel en wit meng. Gooi res van die bestandele by eiers en meng alles deeglik. Spuit skons pannetjies met Spray & Cook en bak vir 15 minute teen 220°C. Geniet met konfyt, room & kaas. Kaassmeer met fyngemaakte biltong kan ook bo-op gesmeer word as 'n lekker soutvulsel.

---ooOoo---

## SOUTTERTJIES

### **Jy het nodig:**

2 Snye brood	500ml Kaas gerasper
25g Margarien	1 Groot ui
500ml Melk	1 Blik "Bully-Beef"
4 Eiers	50ml Fyn pietersielie
Sout & Peper	

### **Dan maak jy so:**

- Voeg brood, melk, margarien en ui saam in pot en bring tot kookpunt.
- Laat afkoel
- Sny bully-beef in fyn stukkies
- Klits eiers
- Voeg bully-beef, kaas en eiers saam met melk mengsel en meng goed.
- Skep in 1 tertbak of kolwyntjie pannetjies.
- Bak teen 180°C vir 35 minute (tertbak of 12 minute in kolwyntjie pannetjies) tot bruin.

# Lekker Lag

Eendag, lank, lank, lannkkk gelede was daar 'n vrou wat NIE vol nonsens was NIE....

Maar dit was baie lank gelede.....  
EN dit was NET daardie EEN dag!!

\*\*\*\*\*

**Die vrou stap die boekwinkel in en vra vir die boekwinkelassistent, "Mevrou het julle die boek "Die Man, die Hoof van die huis"? Die boekwinkelassistent kyk oor haar brilletjie en sê: "Mevrou, gaan loer maar daar by die Feeverhale!.**

\*\*\*\*\*



## Kampprogram 2009

MAAND	KAMP	KAMPKOMMANDANTE
18 – 20 September	Weesgerus	Jakaranda Gebiedskamp
9 – 11 Oktober	Buffelspoort	Kongres
23 – 25 Oktober	Mutango	
20 – 22 November	Drie Berge	Bestuur



## Kampprogram 2010

MAAND	KAMP	KAMPKOMMANDANTE
22 - 24 Januarie	Mopani	Wim & Margriet vd Berg
19 – 21 Februarie	Tamboti Vreugde	Albert & Inge Gazendam Sieg & Annatjie Maritz
19 – 21 Maart	Nkwe	Senior Burgerkamp
2 – 5 April	Presidente	
21 – 23 Mei	Bosfontein	Wayne & Annemarie Botha Rudi Crous & Mia v Zyl
11 – 13 Junie	Monateng / Motango	Chris & Lizette Schulte Jacques & Marianna Marneweck
11 – 24 Junie	Noordelike Presidente Toer	Fritz & Etresia Crous Chris & Lizette Schulte
16 – 18 Julie	Bush Baby	Daan & Elize vd Berg Hennie & Annemarie Engelbrecht
6 – 8 Augustus	Atlanta (AJV)	Bestuur
10 – 12 September	Klein Paradys (Brits)	Willem & Marnette J v Rensburg Johann & Elsabé Grobler
24 – 26 September	Gebiedskamp	Gebied
8 – 10 Oktober	Kongres	
15 – 17 Oktober	Drie Berge	Klaus & Anet Lübbert Tjaart & Marietjie Klaasen
12 – 14 November	Koro-Koro	Bestuur

Let asb daarop dat Streekskampe in blou gemerk is.

# Kalender September – Oktober 2009

## September 2009

Maandag	Dinsdag	Woensdag	Donderdag	Vrydag	Saterdag	Sondag
	1	2	3	4 Jacqui Wagenaar	5	6
7 Lena le Roux Alta v Eden	8	9	10	11	12 Rina de Klerk	13 Albert Gazendam
14	15	16	17	18 Weesgerus - Gebiedskamp	19 Phillip v Jaarsveldt	20 Daan vd Berg
21	22 Ann Stewart	23	24	25	26	27
28 Marili Klaasen	29	30				

## Oktober 2009

Maandag	Dinsdag	Woensdag	Donderdag	Vrydag	Saterdag	Sondag
			1 Joan Reitz Margriet vd Berg	2	3	4 Annemarie Engelbrecht Steve Kleynhans
5	6	7	8	9 SAWA Kongres-Buffelspoort	10	11
12	13	14	15	16	17	18
19 Sias Heyns	20	21	22	23 Mutango (Streek)	24 Chris Stander	25 Neels de Klerk
26 Marianna Marneweck	27	28	29	30	31	

## Rietstok Nuusbrief

- 😊 Die Rietstok nuusbrief is ook beskikbaar op SAWA se webtuiste ([www.sawa.org.za](http://www.sawa.org.za)).
  - 😊 Baie dankie aan almal wat bygedra het tot die nuusbrief. Rietvalleiers, sonder julle vrolike kampe en bydraes kan daar nie 'n nuusbrief wees nie.
  - 😊 Stuur asb ALLE nuus asook fotos aan [groblerie@absamail.co.za](mailto:groblerie@absamail.co.za)

## Notas: